



**PEKELILING PENTADBIRAN
BILANGAN 58 TAHUN 2018**

**DASAR BAHARU PELANJUTAN
TEMPOH BIASISWA KEPADA STAF Ph.D TAJAAN
KEMENTERIAN PENDIDIKAN MALAYSIA
(PENDIDIKAN TINGGI)**

Pejabat Pendaftar
6 Disember 2018 | 28 Rabiulawal 1440H

Disalinkan kepada:

Naib Canselor
Timbalan Naib Canselor (Akademik dan Antarabangsa)
Timbalan Naib Canselor (Penyelidikan dan Inovasi)
Timbalan Naib Canselor (Hal Ehwal Pelajar)
Penolong Naib Canselor (Jaringan Industri dan Masyarakat)
Penolong Naib Canselor (Pembangunan dan Pengurusan Fasiliti)
Pegawai-Pegawai Kanan

UNIVERSITI TEKNIKAL MALAYSIA MELAKA

UTeM.02.14.02/100-3/2/1 (27)

6 DISEMBER 2018
28 RABIULAWAL 1440H

PEKELILING PENTADBIRAN BIL. 58/2018

DASAR BAHARU PELANJUTAN TEMPOH BIASISWA KEPADA STAF Ph.D TAJAAN KEMENTERIAN PENDIDIKAN MALAYSIA (PENDIDIKAN TINGGI)

1.0 TUJUAN

Pekeliling Pentadbiran ini bertujuan untuk memaklumkan kepada semua staf mengenai keputusan pihak Universiti atas kelulusan Mesyuarat Lembaga Pengarah Universiti Bil. 5/2018 berhubung Dasar Baharu Pelanjutan Tempoh Biasiswa Kepada Staf Ph.D Tajaan Kementerian Pendidikan Malaysia (Pendidikan Tinggi).

2.0 LATAR BELAKANG

- 2.1 Mesyuarat Jawatankuasa Tetap Kewangan Bil. 3/2018 pada 24 Ogos 2018 dan Mesyuarat Lembaga Pengarah Universiti Bil. 5/2018 pada 9 November 2018 telah meluluskan Dasar Baharu Pelanjutan Tempoh Biasiswa Kepada Staf Ph.D Tajaan Kementerian Pendidikan Malaysia (Pendidikan Tinggi) mulai 1 Disember 2017.
- 2.2 Pelanjutan cuti belajar merupakan salah satu daripada kemudahan yang diberikan kepada staf yang diluluskan cuti belajar sama ada di dalam atau di luar negara untuk memenuhi syarat dan keperluan pengajian yang masih perlu diikuti atau dipenuhi.
- 2.3 Melalui Mesyuarat Penyelarasan Pelaksanaan Program Biasiswa Skim Latihan Akademik Bumiputera (SLAB) dan Skim Latihan Akademik IPTA (SLAI) Tahun 2016 Bersama Universiti Awam (UA), KPM telah memutuskan bahawa tiada pelanjutan pengajian akan diluluskan bagi permohonan mulai 1 Januari 2016.

- 2.4 Walau bagaimanapun, Mesyuarat Jawatankuasa Cuti Belajar Bil. 1/2016 yang bersidang pada 26 Januari 2016 telah mempertimbangkan dan meluluskan permohonan pelanjutan adalah seperti berikut:-

PELANJUTAN	DALAM NEGARA	LUAR NEGARA
Pelanjutan Pertama (3 bulan)	Bergaji penuh dengan separa biasiswa	Bergaji penuh dengan separa biasiswa
Pelanjutan Kedua (3 bulan)	Tiada Pelanjutan	Tiada Pelanjutan

- 2.5 Kelulusan pelanjutan yang diluluskan akan menggunakan peruntukan UTeM bagi menaja kos yuran pengajian staf sahaja.
- 2.6 Selaras dengan matlamat kerajaan untuk membantu pelajar Ph.D warganegara Malaysia di bawah tajaan KPM, pelajar di beri kelonggaran untuk melanjutkan pengajian dalam tempoh pengajian mereka melalui surat KPM No. Rujukan : KPT.B(S)600-4/1/18JLD 3 (12) bertarikh 30 November 2017.
- 2.7 Universiti Awam yang lain juga melaksanakan Dasar Baharu Pelanjutan Biasiswa yang dikeluarkan oleh pihak KPM tersebut.

3.0 DASAR BAHARU

- 3.1 Mesyuarat Jawatankuasa Cuti Belajar Bil. 1/2018 yang telah bersidang pada 4 Januari 2018 telah memperakukan Dasar Baharu Pelanjutan Tempoh Cuti Belajar Kepada Pelajar Ph.D tajaan Kementerian Pendidikan Malaysia (Pendidikan Tinggi) bermula 1 Disember 2017.
- 3.2 Tempoh pelanjutan yang dipohon hendaklah bersifat munasabah dan perlu diperaku oleh Ketua Pusat Tanggungjawab (PTj) masing-masing. Tempoh pelanjutan yang boleh dipertimbangkan adalah berdasarkan kepada permohonan pelajar mengikut negara.

3.3 Pemberian tempoh pelanjutan ini tidak boleh dianggap sebagai automatik tetapi ianya berasaskan kepada prinsip-prinsip "*merit of the case*" dengan mengambil kira kesulitan yang dihadapi oleh pelajar antaranya:-

- a. Gangguan dari segi kelancaran penyelidikan seperti kerosakan peralatan dan kesukaran memperolehi bekalan/bahan penyelidikan.
- b. Pertukaran penyelia atau tempat pengajian.
- c. Nilai tambah dalam penyelidikan seperti keperluan menyediakan jurnal berimpak tinggi.
- d. Kajian memerlukan masa lebih panjang dari dijangkakan walaupun pelajar telah mencuba sedaya-upaya.
- e. Lain-lain pertimbangan dari semasa ke semasa.

3.4 Tempoh pengajian asal dan pelanjutan biasiswa mengikut negara kepada pelajar Ph.D tajaan Kementerian Pendidikan Malaysia (Pendidikan Tinggi) adalah seperti di **Jadual 1**.

3.5 Dasar ini akan digunapakai selaras dengan dasar baharu yang akan dikeluarkan oleh KPM. Sebarang perubahan pada dasar pelanjutan tempoh biasiswa KPM akan memberi implikasi kepada perubahan dasar ini berkenaan.

3.6 Pegawai yang layak memohon pelanjutan tempoh biasiswa adalah Pegawai yang sedang melanjutkan Ph.D di bawah tajaan KPM/UTeM/lain-lain penajaan.

3.7 Pihak Berkuasa Melulus permohonan pelanjutan tempoh biasiswa staf akademik adalah Jawatankuasa Cuti Belajar, Universiti Teknikal Malaysia Melaka dan Kementerian Pendidikan Malaysia (Pendidikan Tinggi).

3.8 Pihak Berkuasa Melulus pelanjutan tempoh biasiswa staf pentadbiran adalah Jawatankuasa Skim Cuti Belajar Staf Bukan Akademik (SCuBBA).

4.0 TANGGUNGJAWAB PEGAWAI

4.1 Permohonan tempoh pelanjutan biasiswa hendaklah dikemukakan sekurang-kurangnya enam (6) bulan sebelum tamat pengajian asal mengikut saluran berikut:-

- a. Bagi pelajar-pelajar yang terdiri daripada pegawai dalam perkhidmatan, permohonan perlu dikemukakan kepada Bahagian Biasiswa, KPM melalui Unit Biasiswa Akademik, Bahagian Pembangunan Bakat, Pejabat Pendaftar, UTeM bersama justifikasi dan perakuan; dan
- b. Bagi lain-lain pelajar, permohonan perlu dikemukakan terus kepada Bahagian Biasiswa, KPM dengan menyertakan dokumen sokongan dan perakuan daripada Universiti masing-masing.

5.0 TARIKH KUAT KUASA

Pekeliling Pentadbiran ini berkuat kuasa mulai dari tarikh 1 Disember 2017.

Sekian, terima kasih.

“KOMPETENSI TERAS KEGEMILANGAN”

Saya yang menurut perintah,


MOHD NIZAM BIN RAVEL
Menjalankan Tugas Ketua Pegawai Operasi
Universiti Teknikal Malaysia Melaka

/sya

Jadual 1 : Tempoh Pengajian Asal dan Pelanjutan Biasiswa Mengikut Negara Kepada Pelajar Ph.D Tajaan Kementerian Pendidikan Malaysia (Pendidikan Tinggi)

PERINGKAT KURSUS	NEGARA	TEMPOH ASAL (Biasiswa Penuh)	PELANJUTAN			
			Dengan Biasiswa	Separa Biasiswa (yuran sahaja)	Tanpa Biasiswa dan Tanpa Gaji	Tempoh Maksimum
Ph.D	Amerika Syarikat	48 bulan	-	6 bulan	6 bulan dan arahan kembali bertugas	60 bulan
	United Kingdom	36 bulan	i. 3 bulan pertama ii. 3 bulan kedua	3 bulan	3 bulan dan arahan kembali bertugas	48 bulan
	Jepun	36 bulan	i. 6 bulan pertama ii. 6 bulan kedua	6 bulan	6 bulan dan arahan kembali bertugas	60 bulan
		42 bulan	i. 6 bulan pertama	6 bulan	6 bulan dan arahan kembali bertugas	60 bulan
	Australia	36 bulan	i. 6 bulan pertama ii. 6 bulan kedua	6 bulan	6 bulan dan arahan kembali bertugas	60 bulan
		42 bulan	i. 6 bulan pertama	6 bulan	6 bulan dan arahan kembali bertugas	60 bulan
	Negara Eropah	48 bulan	-	6 bulan	6 bulan dan arahan kembali bertugas	60 bulan
	Negara-negara lain	36 bulan	i. 6 bulan pertama ii. 6 bulan kedua	6 bulan	6 bulan dan arahan kembali bertugas	60 bulan
	IPT Tempatan	36 bulan	i. 6 bulan pertama ii. 6 bulan kedua	6 bulan	6 bulan dan arahan kembali bertugas	60 bulan

